

四庫全書

集部

欽定四庫全書

集部

小鳴稿卷一

詳校官監察御史_臣曹坦

中書_臣劉源溥覆勘

總校官知縣_臣楊懋珩

校對官中書_臣田尹衡

謄錄監生_臣何永溱

欽定四庫全書

集部六

小鳴稿

別集類五

明

提要

臣等謹案小鳴稿十卷明秦簡王朱誠泳撰
誠泳為太祖五世孫愍王璉之元孫成化末
襲封自號賓竹道人明史諸王列傳稱誠泳
性孝友恭謹嘗銘冠服以自警所著有經進
小鳴集即此本也朱彝尊詩話又稱王十歲

時嫡母陳妃以唐詩教之日記一首嗣位日
賦一篇好士禮賢兼留心服食蓋能以文雅
自見者集為其紀善強歲所編錄自卷一至
卷八皆詩卷九為雜文卷十為恩賜勝覽錄
乃弘治癸丑誠泳請朝命養疾于鳳泉溫泉
湯泉時所作其詩古體雖未盡合格而楊白
花一篇殊有雅調近體俱諧婉可誦而七絕
尤為擅場如秋夜詩云霽月滿窓明似晝梧

桐如雨下空庭又云空庭久坐不成寐明月
滿堦砧杵聲又山行詩云啼鳥無聲僧入定
半巖風落紫藤花皆風骨戍削不媿作家明
代親藩中以文學著名者要以誠泳為稱
首焉乾隆四十四年七月恭校上

總纂官

臣

紀昀

臣

陸錫熊

臣

孫士毅

總校官

臣

陸

費

墀

欽定四庫全書

提要

欽定四庫全書

小鳴稿卷一

明 秦王朱誠泳 撰

樂府

聖君曲

聖人履天位馭世應昌期寶歷千年運神京萬世基梯
航來職貢海嶽拱神祇常道陳中夏仁恩洽四夷儀文
唐制度官屬漢威儀氣正三辰順年登百穀滋河清龜

出洛日暖鳳鳴岐大地歌謠滿唐虞今在茲

宛轉歌

夜月明行舟琴更清女郎元是鍾情物風前乍聽難為
情歌宛轉此身今已亡於君有冥契願作雙鴛鴦長太
息相看淚沾臆茫茫造物竟誰尸恨不生逢王敬伯歌
宛轉宛轉悲且長紅顏易零落古今同一傷

明月引

青天有月孖照八荒銀漢無雲子流素光平分寒暑兮

變炎涼幾人懽樂兮幾悲傷嘆明月之弗改念人生之
靡常或醉飽於夏屋或困敝於康莊一瓢寒士千乘侯
王泥塗囚虜珠翠名倡或安居於甲第或流落於他鄉
百年能幾畢竟亡羊惟達人之知命且對月而銜觴

江上曲

君為南越兒妾乃東吳女江上一相逢目成心已許與
君欲相語奈此舟中人到岸各分散悠悠恨此身風高
波浪險極目孤蓬轉重晤良獨難萬里天涯遠

春遊曲

五首

車馬乘春出鶯花觸眼新秋千忽飛起故故看遊人
走馬章臺路紅塵一騎飛美人招素手樓上喚郎歸
曉色分楊柳春陰護牡丹王孫馳駿馬多是醉中看
新柳迎遊騎飛花趁酒甌年年三二月爛醉曲江頭
樓外江山麗城邊錦繡新春光濃似酒醉殺浪遊人

雞鳴曲

沈沈漏箭催殘更扶桑日出天雞鳴羲和叱馭起蒼震

坐令萬國生光明角角再鳴聲未已萬國裸生都喚起
可憐驅入利名場蠅營盡被雞催死我願人家莫畜鷄
膠膠風雨不須啼威鳳來儀天下樂日日窓前聞喜鵲

對酒歌

人生埃壒內忽忽如夢中三萬六千日所期安得同枝
上花正開風前花又落羲馭不我留及時胡不樂君不
見三閭大夫誇獨醒形容憔悴江潭行回風歌罷葬魚
腹到底只留身後名又不見伯倫荷鍤身相隨生死有

命信所之潔身曠達兩何有畢竟得失還歸誰榮悴升
沈若翻手千古賢愚同一朽昨朝綠鬢映朱顏今日蒼
髯成皓首秋月春光不等閒何如且罄樽中酒樽中酒
豈徒然會須一飲吸百川白日西馳坐成夜休問安期
與偓佺

古意

君好堤邊柳妾好嶺上松堤柳吐輕絮飛去無定蹤不
如松有操鬱鬱傲寒冬

君好江上舟妾好岸邊樹舟行遇風波飄泊無常處何
如樹不移風波自來去

樓上曲

東風吹春春欲闌紛紛香雪梨花殘美人倚闌嬌不語
翠袖籠寒嬾輕舉塵封錦柱暗銀箏那忍彈成腸斷聲
掩袂含羞抱幽怨怕見雕梁語雙燕覓損雙蛾思轉迷
粉痕滿面傷春啼金蓮緩步下樓去飛絮遊絲蕩心緒
巫陽望斷楚天遙行雨行雲在何處

遠遊篇

至人思遠遊遠遊竟何之聊乘汗漫風直與神仙期晨
興食方丈暮歸宿瑤池憑虛弄日月劍佩光陸離渴飲
九霄露飢食千歲芝平頭看星斗揮手謝塵羈歡忻朝
帝座指麾役靈祇歸來馭元氣飛雲亦追隨步虛振金
石天風吹鬢絲兩儀與終始三光共盈虧茫茫塵海人
蚩蚩詎能知

苦熱行

赤雲噴火燒長天，蟾宮老桂飛蒼烟。
金烏自恨具毛羽，白虎喘殺知誰憐。
萬山烘透銷青翠，四海波乾欲平地。
蒼龍鱗甲隱蟲蛆，竟日泥蟠嗟殄瘁。
况是南州瘴癘鄉，火山炎海連天黃。
著人毒熱若湯火，灼我肌膚成炙瘡。
鐵甲磨穿藏蟻蝨，萬苦千辛死無日。
蠻人退去幸生還，一級微名君尚惜。

渭城少年行

洛下春深柳絮飛，渭城少年應憶歸。
馬蹄偶入城南陌，

相逢却是長安客為言前日發秦臺而翁傳語需君來
千門萬戶燕皆至北苑南園花正開年少尋春須及早
揮鞭疾上長安道一路春光絕可憐惜騰忽過斗城邊
兩兩新粧臨渭水紛紛遊騎滿秦川秦川自昔羨繁華
王孫公子爭豪誇門開朱戶星初出燕設青樓日未斜
倚醉聯鑣過戚里九衢見者皆興起玉轡搖風馬更驕
鬪雞賭得肯相饒閒尋紅粉來金市喜聽黃鸝過灞橋
橋下倡家新酒熟解鞍就向倡家宿美人纖手弄琵琶

酒邊雙臉蒸紅霞黃金擲與買今夕少年肯負秦川花

輕薄篇

末世多輕薄輕薄良可嗤昂昂倚門第行行恃先基金
多忽貧賤尚肯恤瘡疲氣豪蔑賢聖詎知慕軒羲一食
烹九鼎下筋猶嗟咨被服極紈綺猶云匪新奇千金買
艷妾色衰竟棄之四方致名馬一蹶終見遺結交出肺
肝盟言日星垂片言苟不合對面生嫌疑仲尼稱匹夫
造化呼小兒伯陽道德小孟軻仁義虧孫吳豈諳兵盧

扁豈知醫陋茲輕薄子宜為君子規薄方驚蝶翅輕於
風柳枝願言執其人為君投四夷

公子行

白面青瞳照秋水豪華知是諸公子金鞍玉轡紫絲鞭
雙雙笑語東風裏越羅披體試春衣鵲似身輕馬似飛
春色薰人隨處好縱遊直過妓樓西美人樓上親招手
公子風流能過否綠楊樹底繫花驄指點銀瓶來索酒
笑將絲勝結同心醉來一擲雙南金翠幃錦帳恣歡譁

夢入陽臺何處尋五更却恨雞聲早馬上歸來踏芳草
彎弓更過曲江頭爭拾金丸逐飛鳥

西城路

西城路半是平田半墳墓平田漸少墳漸多酸風苦雨
泣銅駝百歲光陰駒過隙營營終日將如何人生少年
胡不樂世間那有蘓仙鶴

燕燕于飛

燕燕何處來營巢尋舊主斜衝碧柳烟低掠青蕪雨逐

絮繞迴塘銜泥過遠浦
漠灰無復然莫效當時舞

苦哉遠征人

苦哉遠征人荷戈西出秦
以身自許國舉目誰為親
陰雲翳落日白草迷黃塵
三伏不知暑四月那見春
射生充早食卧草當夜茵
風高弓力勁霜重鐵衣新
主將號令肅部伍催行頻
提兵誓滅敵僇力敢顧身
固知在家樂寧厭行戍貧
他日侯王貴繪像登麒麟

秋夜長

秋夜長明月光露華洗天金氣涼寒蟲候鴈兩何苦聲
逐西風來枕傍彷徨披衣坐夜深丁東又聽搗衣砧殘
燭熒熒更漏靜無端萬事皆縈心

遙夜吟

秋夜一何遙燈燼爐烟滅低下水精簾含情對明月

估客樂

郎船下江水乘風疾若飛與儂各分袂掩泣牽郎衣手
拔黃金釵臨岐贈郎別願郎心似金堅持莫輕折

將軍行

銜命西來專斧鉞
遠出蕭關探虎穴
鐵驄夜踏黑河水
金戈冷射關山月
將軍令嚴健兒勇
直擣長驅爭鼓勇
陰山北遁穹廬空
惟剩牛羊滿丘隴
憶昔我軍多戰沒
風雨啾啾鬼宵哭
於今漢將守邊城
翻役官軍收戰骨
露布星馳達冕旒
將軍承詔獨封侯
爭誇一代麒麟閣
誰念沙場萬髑髏

搗衣曲

井梧葉墜金風起滿庭明月涼於水為念兒夫戍玉關
塵滿征衣誰與洗我有冰縑三兩疋胼手殷勤為君織
欲製寒衣遠寄將雙杵拈來對砧石搗亂西風續又鳴
一聲聲裡寓幽情夜深玉腕痛且困不知露下將三更
裁縫已就憑誰寄走馬朝來有邊吏一行書染淚千行
寒到君邊衣到未

夜宴謠

良夜沈沈宮漏促兩階庭燎燒銀燭上賓入座氣如虹

簾外佳人面如玉一舉飛觥累十觴鳳笙龍管聲鏘鏘
滿堂珠翠照人眼酒邊尤物令人狂風動俄然銀燭滅
暗中求與同心結紅顏變色絕冠纓壯士羞顏冷於鐵
君王一笑許終歡保全賓客曾無難夜深痛醉各歸去
感恩直欲傾心肝從來燕禮惟三爵三爵既過多失錯
不醉無歸乃所私飲而不亂真為樂

農夫謠

我昨過農家農夫於我陳嗟嗟天地間而唯農苦辛春

耕土埋足夏耘汗霑巾秋成能幾何僅得比比鄰老農
惟二子輸邊辛苦均大兒援靈夏性命逐車輪小兒戍
甘泉身首犯邊塵老婦賣薪去老農空一身荒村絕鷄
犬四壁罄倉困公家不我恤里胥動生嗔鞭笞且不免
敢冀周吾貧我農老垂死甘為地下人尚祈孫子輩猶
為平世民

樹中草

草木非同氣託根猶可生如何兄與弟同氣却無情

獨不見

舉頭望仙山孤坐開水殿芳草自成茵落花復如霰輕
雲逐翔鸞綠樹來新燕光景滿目前杳然獨不見

昔思君

昔君與我兮心契意投今君與我兮雲散雨收昔君與
我兮魚水相宜今君與我兮風馬難追昔君與我兮琴
瑟諧和今君與我兮音問蹉跎

傷思吟

碧雲天末寒風起吹亂賓鴻不成字
遠道音書那得聞
傷心滴盡相思淚淚痕界破腮上紅
一點靈犀不可通
驚破綠窗蝴蝶夢月明砧杵聞丁東
玉關此去三千里
離恨又從今日始自憐不及江上蓮
兩兩紅衣並頭死

吳鉤行

吳鉤鑄鬼工鋒鏑耀昆鐵
遊俠購千金羌人猶未滅

壯士行

寢帳夜聞鷄起坐氣如虎
怒髮衝冠拔劍燈前舞

戍婦詞

奉姑妾盡孝報君郎盡忠忠孝苟無愧死生何必同

飲酒樂

好鳥窗前宛轉春花庭外芳菲任我狂歌醉舞從他兔
走烏飛

春曉曲

隱隱疎鐘出林杪杜鵑啼血韶光老西樓殘月墜咸池
香霧空濛六宮曉綠槐滿院結春陰錦屏銀燭高堂深

鴛鴦不暖紅窗夢
虹壺玉漏聲沈沈
起來無事偏蕭索
料峭東風越羅薄
笑語了鬟捲繡簾
一庭紅雨桃花落

羽林郎

戮力收城後承恩下
紫宸電飛騶馬疾
日絢錦袍新
還閣宵藏妓
長途畫殺人
赦書終見宥
依舊佩麒麟

春夜曲

皓月明臺榭
和風度管絃
夜深諸女伴
猶自競鞦韆

涼州詞

黃雲漠漠接平沙落日悲風慘暮笳回首長安五千里
征人若箇不思家

三軍辛苦覓封侯終歲防邊戰不休何事孟佗憑斗酒
當時談笑博涼州

相思曲

去日春光未老別來秋意方深明月寒更砧杵丁東敲
碎儂心

燉煌曲

何物蕃兒顏渥赭生來箇箇能騎馬公然剽掠恣南行
河湟戍卒尸縱橫危城窮將呼天泣都護不來誰救急
身無羽翼可能飛一紀窮荒甘受圍萬里長安無一使
丐兵回紇何時歸懦將既誅綾易麥一飽何辭蹈鋒鏑
朝來羣醜已登城我軍四面皆蕃聲萬人解甲從蕃俗
強把皮裘更我服每直年年寒食時褫裘南向吞聲哭
漢將黃金空滿篋不見征西能報捷

龍支行

邊地悲風聲鼓角長天萬里愁雲薄忽聞天使自天來
龍支城門聊一開碧眼羌兒屯且守沒蕃老兵無黑首
馬前拜問天可汗五十年来今健否涕流自說山東住
結髮從軍隸邊戍一自西戎侵玉關涇隴烽烟薰兩間
漢軍戰死音聲絕戰骨憑誰埋故山十中存者僅三五
哀哀淚滴龍堆土旃裘禦雪酪充飢年深漸解蕃人語
夜觀北斗憶中原每見花開思故園記得來時星火急
親鄰送我出前村憑君歸報今天子早發天兵下天水

假若不來期速死猶是唐家忠孝鬼

酒罈行

酒罈正在街當中青樓錦樹圍香風美人巧笑餌行客
玉顏相映桃花紅蛾眉瓠齒兼螭首鞍馬門前競沽酒
笑謔焉知日已斜執事蒼頭應怨久西鄰亦有酒罈開
謾誇竹葉浮樽疊效顰翻引里人去坐令行徑生莓苔
何事人情偏好色一見妖姬雙眼側五陵年少更粗豪
一擲千金寧吝惜西鄰慎莫怨東鄰區區冷暖何須嘆

偶然一醉各分散俱是悠悠行路人

邯鄲曲

邯鄲女兒真如花手梳雲髻盤雙鴉紅裙翠袖黃金束
春山畫出蛾眉綠芳年纔及破瓜餘除却嫦娥皆不如
弱不勝衣體輕薄唾花疑是珍珠落悶來斜倚碧紗窻
自拾青梅打飛雀秋千牆外有人遊隔花一見爭相求
却恨嬌痴嫁人早誓與卿卿永相好春風夜夜芙蓉慢
酒醒扶頭厭珍饌錦堂魚水日追歡詎管流年暗中換

比隣有女嫁農家蠶事纔成又績麻日午饁田助耕作
麻絲輸盡無衣著

麗情曲

庭院沈沈春晝長雲牕懶繡雙鴛鴦陽臺昨夜隔雲雨
體弱不勝羅錦裳殘粧滿面朝慵洗侍兒枕上剛扶起
粉郎薄倖戀青樓畫出春山為誰媚滿庭香霧濕空濛
花氣薰人眼欲矇深掩蘭房下筠箔背面傷春雙淚落

猛虎行

落日暗深谷酸風振孤城山子飢負嵎耿耿誰敢撓
鬼被渠役地靈恣爾行目光夾雙鏡怒尾豎一旌當途
正擇肉依草飽食人於乎猛虎天所憎假手會遣飛將
軍

燕歌行

天聲遠振祁連北深入窮廬追猾賊手提長劍光陸離
揮霍頓教天失色一自將兵出玉關年年出沒風塵間
檄書只隔黑河水狼烟近接賀蘭山行役誰人不懷土

馬上操戈冒風雨朝來更覺鐵衣寒怕見長天雪花舞
凍眼茫茫凍葉排寒鴉無數居人稀巡邊遊騎畏逢敵
守寨尪兵愁被圍從戎自念經年久每與將軍作留後
里正來時為裹頭今日悠悠成白首自是男兒志四方
馬草包屍亦何有匈奴未滅敢言歸獨卧月明擊刁斗
營中健卒日紛紛料得何人建大勲君不見牧羊人奴
取侯印漢家爭說衛將軍

驄馬行

箇馬雙睛湛秋水獅子精神驪龍耳神奇傳自渥洼來
萬里奔雲貢天子圉人控出御河堤詔歸豸史隨驅馳
九衢駢駢擁塵霧雕鞍玉轡增光輝雙旌引出經都市
貴戚豪門總趨避石崇金谷盡搜殘楊氏冰山都踏碎
昨日天書下烏府乘驄遠入函關路華岳三峯亦動搖
皇天一德勞數布咫尺天顏地有餘冰清玉潔真璫璵
一天明月照旌節萬里春風隨簡書喜是青年致身早
臺端風裁惟君好長安門外雨初晴送君又上長安道

極目神京氣鬱葱
風生馬首搖玲瓏
人間神駿恐難繫
還入天閑仗馬中

巫山高次童士昂黃門韻

天接巫山巖南極
遙看十二芙蓉碧
雲雨朝來失數峯
應疑神女興方濃
楚人賦就幾千載
浪語茫茫那有踪
至今來往空臺下
想像無人不停馬
土人猶解說襄王
荒祠空笑蠻巫假
寂寂巫山萬古青
時看石上白雲生
吁嗟醜謗竟誰雪
謾聽崖頭瀑布聲

春宮曲

杏花庭院廉纖雨
火暖博山飛碧縷
金籠鸚鵡曉驚寒
似隔紅窓共人語
畫闌十二春遲遲
忍聞別院爭彈碁
粧罷日長無箇事
華箋自寫留春詞
柳帶裊風成百結
海棠零落胭脂雪
笑携女伴踏蒼苔
漠漠香塵污羅纈

征婦怨

空堦寒雨零遠道
西風作燈下製征衣
簷花和淚落

秋夜曲

梧桐一葉飛金井唧唧虫鳴露華冷明月流輝入綺疏
夜深照見娉婷影心切遼陽在何處千里雲山渺烟樹
征鴻嘹唳度西風恨身不逐鴻飛去起來獨自步中庭
耿耿雙星河漢橫幾回徙倚不成寐銀燭光寒搖畫屏

寫玉歌

硯池墨漲烟濤濕兔穎含香掃秋碧九疑山隔楚天遙
湘靈夜抱琅玕泣生綃半幅凝雪光羅纈捲風雙袂涼
電掣雷轟老蛟舞月明露冷飛鸞凰翠拂珊瑚海波動

裁為短笛成三弄不勝清思逼人多喚醒江南片時夢

寒夜吟

雪月交輝涵素影銀荷蓮炬紅光冷夜深翠被不勝寒
玉人枕上眠未安簷霜片落盆冰結銅龍漏澁宮壺咽

繡思曲

碧紗如烟春晝長玉桃花綻東風香小屏深坐悄無語
越羅刺到雙鴛鴦凝神想像陽臺去心緒紛紛亂如絮
百轉流鶯和淚聞聲聲正在人愁處寶篆烟消金鴨冷

碧雲天外紅輪暝，重整殘粧啟鏡奩。鏡中怕見孤鸞影。

看花嗟

寒暑恒代謝，四時迭推遷。百年光景駒過隙，人生安得長。少年君不見，園中花鉛華不久落。塵沙又不見，晉石崇十里錦帳圍。春風豪華安得鎮，常在回首萬事浮。雲空晝短夜長須秉燭，東皇明日回轅促。

聞角吟

嗚咽樓頭暮一聲，塞鴻驚起度邊城。無端吹斷霜天月。

多少征人不忍聽
辛苦年年留絕漠
功名何日圖麟閣
黃沙漠漠暗秦雲
極目家山雙淚落

待月辭

露下虛庭夜光冷
碧梧葉落秋無影
美人凭闌耿不眠
香霧半空霏綠烟
廣寒倒蘸江湖底
睡熟姮娥呼不起
浮雲蔽我白玉盤
瓊樓十二空高寒
畫屏黯淡銷銀燭
不管城頭漏聲促

短歌行

黃河水日夜東流無暫已
金谷花紅芳不久委塵沙水
流花落年華改綠鬢朱顏肯相待
百千萬古埃壙間貴
賤賢愚有誰在

有所思懷戴松崖憲使

美人迢迢在何處
千里關山渺雲樹
當時貽我珊瑚鈎
篋笥珍藏宛如故
晶光灼耀衆目驚
千金價直原非輕
美人美人不可見
側身東望難為情

王公上壽酒歌

獻壽觴樂未央
來玉帛宣宮商
吾皇邁湯武
吾皇齊虞唐
遐齡寓華久
休祚天地長

古離別

參商各兩地
鬱鬱苦懷思
不見回轅日
空憐執手時
清霜踈柳脆
明月斷鴻遲
歲晏無消息
安知會晤期

釣天曲

飛遊鬱羅境
稽首東王公
開軒臨法座
置酒燕靈宮
紫雲歌玉女
瓊漿酌金童
揮刀麟脯細
入筯鸞膏空
鳳簫

聲嫋嫋鼉鼓鳴逢逢投壺起天笑吹律回春融燕罷百
神散樂闋萬舞終歸來倚餘醉憑虛馭剛風

登山曲

平明出門去驅車升上頭嵐光青可掬山色翠如流黃
鶯鳴遠樹白雲起深湫蓮宮日輝輝松觀風颼颼猿吟
窺果熟鹿眠藉莎柔曰憐塵世濁翻愛山中幽蓬壺阻
東海羽人在丹丘安得馭飛鳳萬里恣遨遊

涇水黃

涇水黃涇土荒牧犬豕飽豺狼老狼搖毒勢最張摩牙
瞋目據中央獠不敢過羊不敢當老狼死子更强朝岐
暮渭恣厥狂維我唐振天綱一鼓就擒如水沃湯軍前
面縛魄飛揚皮毛剝落血淋浪旄頭落唐日光

折楊柳

靈州城下柳多被官軍竊猶餘拂地條更苦行人折無
復眼窺春不見花飛雪今君赴玉關將何贈離別

隴頭吟

萬里奔馳隴頭水日夜鳴鳴亂人耳黃沙白草兩茫茫
怕聽水聲愁欲死一從結髮戍涼州鐵甲磨穿已禿頭
兒孫養得諳邊語不如隴水解東流幾度臨流磨劍首
水濁誰憐刃傷手何當乘隙奏膚功笑取侯章大於斗
肯學李陵生服降甘飲隴水臣他方

望行人

一自兒夫去天涯信息稀無緣完破鏡空自寄寒衣未
死魂先斷相思夢欲飛化作山頭石終天待爾歸

梅花落

雅淡雖堪喜飄零亦可傷
隨風翻玉笛帶雨上雕梁
蕃將寧知味胡兒詎識香
吳儂緣戍久一曲淚成行

紫騮馬

舊日紫騮馬于今誰復看
猶能隨破虜相與戰呼韓
歲久頭顱老風酸戰骨寒
新駒初墮地眼見試金鞍

公無渡河

朝鮮渡頭曉日寒風掀
怒浪高於山疾鳥退飛不敢過

征夫乍見凋朱顏蛟螭結龍伏眠往來一相犯俄頃碎
舟舩念此千金軀誰能輕棄捐稍待風定斯可周旋被
髮之叟晨提壺亂流徑渡將馬如波濤覆首竟沈溺公
乎公乎狂且愚蛟飲血龍噬屍公無渡河竟渡之公今
既死去我何用生為一曲箴篋為公死公乎公乎知不
知

鷄鳴

君家有高樹高樹與雲齊東方一以明高樹聞鳴鷄天

下正康泰汝將安歸兮長安王侯第出入通金閨當門
設行馬隔牆聞鼓輦入朝火城近破曉天光低雲鬢白
玉釵綠鬢黃金銳美人年幾許窈窕初及笄君家五兄
弟蟬聯荷爵圭十旬兩聚首金鞍映霜蹄玉堂醉瓊液
錦隊絢晴霓喑喑道旁士無計同攀躋鴻飛遵水渚鴈
棲在蘆鄉虞人巧執鴈而鴈代鴻亡禽鳥且相代兄弟
何可忘

烏生八九子

烏生八九子寄棲秦氏樹初不巢人屋於人無所預奈
何秦氏遊冶兒林間挾彈相追隨我肉不中登鼎俎痴
兒規我將奚為一彈中雛雛即死阿母見之悲不止憶
昔生兒謀反哺詎料雛成今若此我巢元自穿岩石彈
射紛紛應莫及一朝邂逅秦家兒雛死毛傷真可惜吁
嗟天地間定數安可逃嗤彼機巧徒用智徒勞勞上林
西苑有白鹿虞人尚得菹其骨萬里摩天有黃鵠後宮
乃得烹其肉百尺深淵有鯉魚深鉤密網取無餘於乎

物理有修短禍福安得移修俟乃君子樂天奚復疑

青樓曲

二八娉婷女傷春更惜春粉融雙臉嫩黛蹙兩眉頻啼
鳥窺歌扇飛花落舞茵玉鞭催馬去腸斷少年人

艷歌行

秦家有女婉孌字羅敷父憐母更惜深閨誰敢謀十
二初養髮十三漸知羞十四正垂髻十五乃上頭嬌痴
十八九明媚擅風流于時嫁千乘好合膠漆投夫婦兩

兼美姿容萬不侔耳璫明月珠裙帶黃金鈎明眸剪秋水
秀色照秦樓飛鳥見之墮潛魚見之浮病者見之起
去者見之留咄咄多往來人人注羅敷矇夫不解覩聞
聲亦隨遊使君驅馬來一見意油油躊躇不能去遣吏與
之謀黃金我所饒而能紫載不羅敷前謝吏使君請歸
休羅敷自有夫堂堂千乘侯使君自有婦焉用桑中求
夫婦貴有別與君風馬牛知君非浪子妾身豈倡流寧
將身中刃斷我舌下喉傳言謝使君羅敷乃羅敷

大雅行

自恃天然貌黃金未足慳丹青最是無情物斷送佳人
出玉關中官押出歸無路淚濕琵琶面如土馬蹄西去
入羶城惟聽黃河流水聲惆悵茫茫胡地月清光不似
漢宮明翻恨將軍萬戶封却將宮女遠和戎堂堂可笑
劉天子世與匈奴作舅翁

湘妃吟

茫茫楚澤湘雲高澤中禽獸多鳴號君王獵射樂忘死

竟日馳驅無乃勞不見秦人劇豺虎正恐他年作囚虜
禽荒有戒在周書我願君王鑒前古秦人笑談楚人哭
賤妾忍嘗禽獸肉

置酒高堂上

置酒高堂上四座皆戚戚
烹且為樂何須嘆今昔嗟
此座中人流年多半百
釭金幾時黃頭髮日夜白
大藥不可期烏蟾苦相迫
昨日訖人豪今朝由鬼伯
人生真夢幻世事一局奕
兒孫自兒孫無煩廣田宅
所以置此

酒諸君宜醉適當筵如不飲寧無負今夕生前酒一盃
身後土三尺達人貴知命爛醉乃長策

君子行

君子防未然所貴遠嫌疑莫登權倖門莫交寡婦兒權
門苟棲託終當被人訾孤兒一與交將疑私乃慈拾塵
與掇蜂聖賢尚蒙欺爪田及李下君子當慎之

苦寒行

二首

枯桑叶號朔風急賀蘭山色朝來失我馬衝寒勢欲僵

飛雪漫天大於席野狐徑渡河冰合冰刃著人如劍斫
莫訝征夫多指落見說寒林凍殺雀

邊雲壓地邊風猛飛雪平鋪三萬頃蕃兒走狗更呼鷹
醉擁貂裘寧畏冷秦人運芻蕘運糧牛顛驢蹶車輪戕
但願黃河狐怕渡三軍喜氣回春陽

蛾眉怨

君不見漢家天子偏多愁萬戶千門猶未足魏峨寶殿
飾黃金磊砢瓊樓鐫白玉箇中宮女日無事學得新翻

合歡曲彩帳年年空御床椒房夜夜閒紅燭忽聞中使
自天來暗地低頭笑口開蛾眉扶入車中去鳳詔先從
馬上回即夜承恩留侍寢鴛鴦被擁珊瑚枕夜深明月
上瑤臺夢回却怕牕風冷不意君心遽變遷欲拋恩愛
學神仙金盤露和藍田玉石井水生泰華蓮空聞龍輅
親封禪何曾一接仙人面渭河女子乳垂尋持齋徒感
天星見君心多慾豈仙才鉤弋枉死誰憐哉王母蟠桃
真浪說爭如下詔罷輪臺瓊堦人靜生春草可惜蛾眉

坐中老五利文成竟受誅不見劉郎上蓬島宮車晚出
南山去吁嗟翻被求仙誤靈駕飄搖不可追惟有悲風
起陵樹人生歲月苦無多漢宮一入成蹉跎楚雨湘雲
歸昨夢劉郎劉郎如我何

宮怨

八首

自入深宮不見人年年花柳負青春君恩謾說多如雨
一滴何曾到妾身

自入春來減玉容腰肢無力受東風忽聞牆外羊車過

却恨君王過別宮

珍珠簾捲隱迴廊
寂寞難禁日長
自恨不如雙燕子
銜泥猶解出宮牆

昨宵雨過嫩涼生
金屋銀屏枕簟清
浴罷自憐香透骨
君王何事獨無情

夜靜深宮睡不成
井梧滿耳送秋聲
三千寵愛偏遺妾
閒理寒衣厚戍兵

獨擁羅衾那得眠
爐烟消盡夜如年
惱人最是宮壺水

點點聲聲在耳邊

門外飛花糝玉塵
天家談笑別生春
鳳笙龍管羊羔酒
不是君王帳裏人

深宮寂寂冷無春
咫尺何緣近一人
誤喜中官銀鑰動
朝來有例給烏薪

鳳吹笙曲

當年子晉學吹笙
學得丹山兩鳳鳴
只願凌風歸碧落
不圖代日戀周京
一朝邂逅浮丘子
鶴駕飄搖班元始

閨風玄圃友羣仙萬歲千秋終不死七月七日天下秋
分明返憇綠山頭世人可望不可近空有涕泗交橫流
吁嗟我亦子晉徒曲終逸興凌空虛塵寰謫限滿千歲
相與翱翔遊帝都

團扇郎

團扇復團扇皎如明月秋西風易顛顚從此見郎羞

朝雲曲

巫山之高高何極十二晴峯倚空碧襄王一去無消息

無消息神不遊化為雨滋田疇

前有一罇酒行

前有一罇酒當筵艷綺羅誰能壽千歲不飲復如何

上皇三臺

沈沈漏幾更輾轉不勝情南內淒涼處梧桐夜雨聲

起夜來

念遠斷音書攬衣中夜起月明如有情照入深閨裏

從軍行

少年多義氣壯志在功名許國千金重捐身一羽輕旌
旗風外捲笳鼓月中鳴誓斬樓蘭首塵清萬里城

遊仙謠

三花珠樹春雲香瓊樓十二凝寒光靈童雙吹白玉管
鶴背穩駕朝虛皇虛皇身著雲錦裳手持北斗斟天漿
素娥兩兩鼓瑤瑟綵輶繞繞飛鸞鳳歷覽須臾遍八荒
回首更欲攀扶桑閭風玄圃隔塵世海波萬里空茫茫

長相思

道路遠且阻相違動逾年秋風一夕起墮我池中蓮玉
闌渺何許妾心空惘然躊躇坐宵境搔首那能眠山高
須及巔水深須及泉離合諒有日微軀當保全

竹枝詞

嫋嫋萬竿秋影點點二女淚痕試聽鷓鴣聲裏滿川風
雨黃昏

楊白花

楊白花隨風無定止飄然一去太無情飛度江南幾千

里可憐落水化浮萍浮萍無復隨風起宮中美人連臂
歌此情不斷如春水

白紵辭

白紵纖纖累成疋絲絲是妾機中織欲製春衫寄遠人
親向姑前弄刀尺衣成著意封題去背立東風垂玉筋
明年于役倘未歸肯惜為君裁白紵

當窗織

當窗織一織三太息水寒絲脆頭緒多唱徹午雞寧暇

食拋來拋去失金梭織久奄奄手無力手無力腸欲斷
停梭坐對燈花爛阿姑併我三丈強短尺量來夜將半
滿砌寒蟬助寥落織成知與誰人著遍身羅綺屬名娼
纏頭舞罷錦滿箱

新聲

花燭熒熒艷洞房同心人醉合歡床擬將十索翻新曲
慙愧當年丁六郎

關山月

關山月居人見月傷離別結髮從軍二十年茫茫萬里
音書絕黃沙磧裏無人烟健兒來往橫戈鋌有時夜渡
黑河水縱橫萬騎乘冰堅千鍾馬湏名王醉羶帳夜寒
人不睡朝來下令又南侵一曲秋笳堪墮淚北兵恃力
南兵靡東竄西逃知有幾吁嗟健骨委邊塵半是春閨
夢中鬼良人一去戍蕭關惆悵於今竟未還獨憐今夜
關山月應照刀痕與箭瘢

洛陽道

縱橫洛陽道來往覓行踪
宮車若流水仗馬似游龍
戚里傳燈火侯門聞鼓鐘
何因人擲果應為美姿容

長安道

迢遞長安道王侯甲第多
金張朝燕飲許史夜笙歌
京兆豪家富新豐俠客過
賣珠誰氏子年少正婆娑

雨雪曲

風號沙塞北雪暗玉關西
聽水諳狐跡循山趁馬蹄
三冬邊戍苦萬里塞雲低
漢節彫零盡蘇郎應未歸

朱鷺

朱鷺來毛質好浴天池戲蘋藻鼓咽咽資舞纛將因漢
德來請以頌天保

思悲翁

思悲翁白蛇斷天地爐帝王劍火德炎水德微誰相者
昂日鷄握天符應天造誰其尸之耀魄寶

艾如張

艾如張羅黃雀幾多雀乃高飛其如雀何大雀善驚黃

口貪食虞人張羅于彼路側黃雀頭顱嗟誰與惜

上之回

上之回剪羣醜爾跳梁作戎首犯我甘泉宮恃弓柁渡
河來望塵走如驅羊如拉朽匈奴既服臣天子千萬壽

翁離

擁離趾中營室美何以樹之桃與李擁離趾中

戰城南

戰城南死城北滿地僵屍污青血馬蹄蹠躐骨肉狼藉

地遠無人收鳥鳶飛飛下來食黃沙漠漠黑水潺潺日
暮一回首壯士彫朱顏兵事凶戰事危匈奴桀驁誰制
之男兒一死不足辭古有國殤國殤良可悲萬骨委野
封侯其誰

巫山高

巫山高高以聳淮水深深以迴我心思歸恨不奮飛登
山無車涉水無航嗟我懷人涕下霑裳山高水復深悠
悠當奈何

上陵

上陵舉我頭乃見蓬萊山弱水三萬里雲氣升其間黃
金為宮闕丹砂滿原田麟鳳若鷄犬居人盡神仙我聞
黃帝在位鑄鼎成有神龍下相迎黃帝上天去壽與天
地并維我漢熾炎德蒞九州朝萬國甘露降自天靈芝
出銅池羣仙頌天子遐齡擬黃帝天地永無期

將進酒

將進酒止三爵誦賓筵陳雅樂醉而狂傲傲舞由醉言

出童叟既立監或佐史醉而歸乃君子將進酒君莫辭
惟酒無量維制之

君馬黃

君馬黃臣馬白二馬並驅馳共逐長安陌美人歸以西
臣馬逐輪蹄美人歸以北臣馬追車轍願逐美人保終
始不惜駕駘為君死

芳樹

彼美芳樹朝榮夕萎人生幾何駒隙如斯日月忽忽愁

殺人老不復少實勞我心我心不可轉肯以浮言誤居
易以俟命奚憂讒與妬

有所思

有所思乃在天之涯海之角何以問遺君贈之白玉璞
維茲白玉璞鑿出相思心茲璞倏以爛我心悠悠日以
深相思復相思讐之春蠶絲春蠶不到死抽絲無已時
吾固有情物物亦有所知如彼此翼鳥如彼連理枝比
翼鳥亦死連理枝隨枯惟有相思情乃與天地俱朝亦

有所思暮亦有所思天地會有盡相思無絕期

雉子班

雉子班傍母飛羽泄泄刷錦衣野有風草我所依隴麥
青青我苦飢虞人乃規我肉肥飛鷹走狗驚合圍嗟我
性命那可希恨不此身逐黃鵠一舉千里奚慮虞人為

聖人出

聖人出昌運開聖人出元氣回三展正萬福來屏姦宄
登賢才物熙熙躋春臺皇風被遍九垓雖有猛士馬施

哉

上邪

上邪我欲與君相知永久無休期
馬生角慈烏頭白天柱折地維缺
華嶽兀天地無日月乃敢與君絕

臨高臺

臨高臺望四方俯仰萬里無灾祥
今皇帝召和氣來鳳凰鳳凰于飛
爰集爰止今我主壽萬年與臺相終始

遠如期

遠如期連大漠我師出匈奴縛獻功未央陳雅樂昔我
往聲振寥廓今我來春蒸河岳維我漢皇帝壽且樂

石留

石留石留流水滔滔逝者如斯夫歲不我與一滔滔徂
五十無聞與異物俱少不努力徒衰老而唏吁嗟彼舜
蹠厥初匪殊尚慎旃哉勿迷厥途

小鳴稿卷一

欽定四庫全書

集部

小鳴稿卷二

詳校官監察御史_臣曹坦

中書_臣劉源溥覆勘

總校官知縣_臣楊懋珩

校對官中書_臣田尹衡

謄錄監生_臣何永泰

欽定四庫全書

小鳴稿卷二

明 秦王朱誠泳 撰

五言古詩

雜詩

南山有長松獨抱參天姿歲晚愈蒼翠不受霜雪欺一
貞恒自守四序焉能移賸彼桃李花灼灼迎春曦明媚
驚衆目穠華復幾時常恐風雨至須臾變離披物性本

如此造化誰尸之嗟哉浮俗流齷齪徒爾為安得古貞操偃仰慰吾思

深閨有佳人清姿艷且光美人盼秋水聯娟蛾眉長良玉蘊其輝幽蘭藹其芳永綃製其服明珠綴其璫借問誰氏子伊其姬與姜非惟逞顏色而實勵冰霜貽我雙南金詎肯輕下堂謙撝固自守曾不求煌煌奉帚心所甘好合琴瑟張伐柯未有斧自媒誠恐皇嗟嗟宿心違輾轉徒在床搔首起延佇雲山遠相望音書無以托涕

泗空沾裳

鳳鳥秉靈德九苞璨文章名為希世物出見世道昌
稻梁非素謀竹實乃所嘗梧桐豈枳棘鳴則依高崗虞廷
聞九奏覽德呈祥吁嗟吾道微丹山乃深藏鵠鵲亦
何為敢爾窺朝陽宵行本么曆顧可爭輝煌造物吝難
問誰能復其常三復仲尼歎令人徒感傷

長江險可逾蜀道難可陟誰言周道平而多荆與棘
篳篥乃戈矛卮酒為敵國舉目睚眦間骨肉甚仇隙九夷

不可居俯仰隘八極將欲凌風翔恨無雙羽翼

猛虎在深山終日恒渴飢豺獐肆貪惡居然當九遠一
嘯腥風生白日翳陰霾素無備馮婦安可羈姬旦
久不作興言乃淒其

薰蕕本不同冰炭實相反華夷性苦殊雅鄭音亦遠熟
計出萬全危哉誠累卵鶴頸與鳧足何須較長短捐彼
戚戚懷履道恒坦坦

寒暑互相遷二儀成氣候真宰司化權誰能測聲臭松

栢一以摧居然樗櫟壽傷哉其豆情載惜山木寇洋洋
北鄙音亂我鈞天奏白鶴伏黃昏寒鴟出清晝坐起長
太息顛倒何太繆

玄漿參麴蘖太羹雜酸辛妖姬調古瑟鄭聲亂天真太
朴一以散誰為葛天民熱中殊感慨吊古徒沾巾物情
類如此已矣無復陳

燕燕誰家女人云難再得詎知乃禍水漢火因之滅尤
物雖可憐往往傾人國於戲古哲王所貴惟有德我心

金匱要略卷之二十一
亦如水女蠱安能惑

卷二

大鈞秉元化寒暑循無端至理妙不測豈容私智觀春
風草木榮秋霜忽凋殘達人契斯理所遇常自安如何
抱陽人能成紫火卅念彼穆天子瑤池往復還

擬古 三首

女蘿附長松倚托欲終身願為魚與水不作參與辰願
為鴛與鴦不作胡與秦云何動隔絕千里蒙風塵我有
一端綺欲持贈遠人贈之將如何永結平生親懷思邈

難即懽懽何當伸

秋高涼風厲灝靈發清商井梧一以墮晝短夜漸長
嗷嗷過鳴鴈唧唧亂啼螢自起步中庭夕露沾我裳
沾裳豈足惜感時空彷徨

南山有高士棲息岩壑間翩翩鶴氅衣稜稜鹿皮冠
白石煮為食丹砂駐其顏我欲求其人舉頭隔雲烟
蒼厓千萬仞可望不可攀昨宵夢見之忽然登其巔
知我苦辛志念我跋涉艱欲授長生訣鷄鳴夜已闌
起坐長嘆

金少卿先生集卷二
息終焉老塵寰

感寓

八十八首

天道一元會默運無窮極四時自成歲至誠以無息聲
臭不可聞但見蒼蒼色福善與禍淫應感無差忒所安
在人爵所貴在天德深居讀周易精微端可測畏天乃
君子忠慎期自克兢兢復戰戰於焉保家國

天道幽且遠明明誰敢欺勿言不吾察日鑒恒在茲所
以古君子敬畏日孳孳出門如有見影響真相隨吾人

貴居易左繩右更規淫荒苟失度恐為天所遺公旦無
逸篇衛侯抑戒詩願言書諸紳終身為我師

皇天生下民而必立之君端居統萬國宵旰極憂勤創
業藉神武守成資聖文功德配天地休聲先典墳典墳
既以遠區宇時并分六朝及五部割標徒紛
紜此疆而彼界蒸黎蒙兵氛干戈無時息嗟
我赤子羣

有天山有地有君斯有臣君臣亦天合誰云屬之人君

金匱要略卷二
者臣之親臣則君之隣微虫有蜂蟻而人豈無倫不見
唐虞世五人作同寅不見文武時二公為經綸如何衰
季世頽風竟難淳全軀保妻子臨危誰致身

茫茫元會間造化竟誰尸昏旦既不爽寒暑無或移至
誠本無息庶類自蕃滋日月相代明陰陽豈參差嶽山
坯厥氣江河分厥支雷霆布厥威風雨行厥時聖人今
在上天心與相宜八萬六千歲悠悠無盡期

吾聞帝王世人文日以宣間嘗讀其書撫卷思茫然三

王莫之尚五帝不可前征伐與禪讓仁義豈偏全光明
燭幽遠心法垂簡編羣生樂熙皞九州無倒懸帝王日
以遠明哲徒拳拳恭惟我皇祖繩武三千年

丹山有威鳳噦噦集梧岡竹實苟不飽丹山復回翔所
以古明君求賢日遑遑玄纁走千里徵車馳四方伊尹
起有莘太公興渭陽傳說奮版築孔明出荆襄扶持賴
三壽聲名高百王用賢乃如此時君當不忘

茲晨忽不樂撫膺多可傷披書感前事令我涕沾裳鳳

鸞止荆棘鴟鴞據梧岡騶虞不飽肉豺狼厭肥羊人龍
困田野人猫登廟堂倒顛有如此天下安所望吁嗟漢
唐宋參會何紛攘載讀虞書篇千古心遑遑

南國有佳人溫其顏如玉我欲往從之白駒在空谷斯
人不可招泥塗詎能辱去往本無心飄飄若黃鵠我思
日以深玄纁謾成束掉頭不肯顧悠悠我衷曲清時足
大行胡為自予念彼采芝歌獨坐恒怱怱

呂政多遺金商辛多羨財鹿臺與羸藏一炬飛烟埃吾

思古賢君所貴在賢才
賢才足資世金玉安用哉
此理固易曉彼狂迷莫回
鷄鳴起孳孳為利日徘徊
會田有齊魏鬪寶生嫌猜
四臣照千里魏惠顏如灰

我觀天下山一一造化崢嶸
各擅名而誰肯相下
魏巍五岳中崇高維泰華
一掌入雲霄日月真可借
冲天幾萬尋恍惚來靈駕
冰雪四時寒三庚詎知夏
嗟予夙好竒藩維況多暇
捫參試一登玉姜莫深訝

神龜曾出洛鳳凰亦鳴岐
靈物豈虛來解后文明時
義

文既以遠元氣日以衰雖有麟與鳳致之者為誰嗟嗟
仲尼氏栖栖良足悲獲麟竟遭斃識者空漣洏嗤彼五
胡世禎祥何所期蒼麟駕鼓車天道真嗤嗤

放勲結茅茨神禹卑宮室吁嗟古聖人安居保終吉奈
何秦漢來萬邦困据拮山林窮斧斤門戶罄丹漆阿房
未及成建章亦以畢雕鐫競淫巧回首竟蕭瑟夜眠庸
幾何小軒取容膝睡美五更鐘曉窓踏紅日

嗟嗟今古人滔滔迷女色焉知粉髑髀亡身更亡國姐

已商紂危褒姒周幽惑西施吳子亡太真三郎踣於維
高世王持身能自克寵姬欲同輦無寧虧盛德予心本
冲素萬慮恒自息深居養太和於焉趨壽域

伏羲撫雲泉神明欽厥德大舜鼓南薰斯民愠皆絕誰
云古樂淡清和見天則曾聞鳳格韶感應妙難測吁嗟
後世人淫聲相盪惑唐皇親羯鼓梨園樂無極霓裳欲
何為一舞遂亡國我耳厭喧闐端居守淵默憲前披樂
書古道已荆棘

茫茫一元化二氣乃屈伸萬物生其間悉含天地仁虎
狼之父子蜂蟻之君臣睢鳩之夫婦鴻鴈之主賓物且
具人性愧此蚩蚩民誰知禽與獸亦能出其倫禽中則
有鳳獸中亦有麟人而反乎此焉用名為人

天地生萬物意思本自嘉奈何當世人玩好競浮誇隋
君恣厥狂宸遊日以奢龍舟走千里貪彼維揚花宋徽
蹈覆轍黃楊致天涯吁嗟花石綱江淮盡虎蛇煬亡徽
北狩回首白日斜唐人牡丹地相傳能幾家

我家有美玉人言出崑岡清姿溫且潤素質堅以剛珊瑚讓精彩水精失輝光玉人一手珍重無時忘琢磨借沙石切磋付刀鋸雕鑄製瑚璉專攻作圭璋神明許相與君子良可方但恐瓊玖混棄置令人傷

神仙駐何許傳聞在蓬萊沉沉白玉宮隱隱青蓮臺弱流不可渡萬里無飛埃自非鶴背仙憑虛詎能來安期不死藥王母流霞盃天地許同壽日月寧相催我生竟茫昧自愧非仙才至人不可遇且酌黃金壘

三代日以遠至治不可追我嘗讀前史撫卷心傷悲
劉崇伯術李唐竟淪夷女禍世所耻和蕃人共嗤逮茲
趙宋氏兵力苦不支委靡不復振甘為異國欺明明我
皇祖仗鉞驅熊貔一怒九圍定百世今熙熙

絕代有佳人優游在空谷渴飲澗中泉飢餐岩下菊窮
居養貞白衡門擅幽獨如何治平世長往不肯復勸爾
脫麻衣為君挂朝服山靈莫見疑公家正懸祿丈夫貴
雄飛胡為自雌伏登車早幘然無苦戀黃犢

乾坤乖氣薄陰陽鎮差亂重霧結重陰漫漫不知旦幽
巖木魅栖深谷鬼車喚百怪恣縱橫羣陰鬱無散陽烏
忽東生滄溟湧霄漢赫赫破頑雲潛回若冰泮須臾障
礙消悠遠天文煥萬國屬皇明寰海同燦燦

深山有蛇虎晴原多鳳麟鳳麟真快覩蛇虎不可親虎
蛇有餘毒近之噬吾身鳳麟乃靈瑞致之苦無因我嘗
讀古書於焉求屈伸昏昏苟不察貽患將無垠閒居感
疇昔用含怨因循蛇虎既難近遠之誠在人

有初必有終有日必有夜天運自循環陰陽交代謝曾
聞古仙人雲霄遠凌跨死生亦常理誰惟天所赦吁嗟
老佛徒蚩蚩思久假貪迷竟何如而徒陷虛詐所以君
子儒安焉老田舍修身以俟之萬物還元化

吾觀三王世有周承夏商賢聖相繼作享國何久長自
從周赧來天命苦不常興戎憑詐力王圖詎能昌嬴秦
纔二世阿房火咸陽六朝并五代紛紛日更張皇天眷
吾祖繼宋高百王繩繩千萬年神器傳無疆

吾聞賢后妃有周不可當太姜及任姒世德傳無疆如
何至後世宮闈多濫觴呂武恣淫虐紛紛多色荒我家
配聖祖聖后並姬姜仁孝實繼之輔治聲洋洋徽音允
相嗣帝道日以昌嗟嗟我聖善子孫焉敢忘

齊桓假仁義晉文亦如之紛紛戰國君劇戲真小兒美
哉漢東平為善日孳孳三監與七國國亡身亦隳李唐
不足道諸王恣豪癡淫荒詎知恥俗樂手所持嗟予固
無似嗣秦忝藩維願言崇令德劉蒼其我師

舜有臣五人而天下乃治武王資十亂承商履天位嗟
彼邠金刀憑誰和鼎味創始藉蕭曹守成推丙魏李唐
雖小康賢才亦云萃杜房兼宋姚繩繩賴無墜我思古
良臣班班猶可記相望佐無為諸公真了事

兩間有安宅安宅我所居四方有正路正路我所如安
宅固非小正路豈其迂夫何當世人而自與之踈安宅
蔽草莽蚩蚩莫之除正路塞荆棘茫茫誰與鋤執迷若
不解旁觀但踟躕此道真宵然吾人當體諸

公車有千乘出則如雲隨所居能幾何焉用千乘為名
馬致千里奔趨若星馳所守僅吾封乘此將安之我嘗
陋周制金玉豈其儀過奢誠易敗商車乃為宜漢皇征
大宛將士實乘危嗟嗟天馬歌徒為千載嗤

吾聞有熊氏古風始更張褰纓兼布草上下易衣裳三
代自有制後來漸荒唐詭異駭羣目輕薄移四方錦章
奪天巧羅衣鬪時裝廣袖全疋帛長裙欲飛揚服妖古
所忌不衷真不祥城中苟知禁天下當循常

吾聞古聖君而惟飯土簋仲尼大聖人飯蔬食飲水簞瓢
困顏氏至樂誰能擬曾參亦可人恒飢寧願仕嗟嗟後
世人口腹關珍美萬錢充一筋豪奢浩無紀烹羔宰肥
牛杯盤動盈几太倉日五升何如安汝止

儀狄昔為酒大禹乃絕之維狂鑒周誥抑戒懲衛詩豈
惟戕性命抑且喪威儀一語苟不合兵刃手持不見
夏之桀昏默沈酒池不見隋之煬口不離酒卮二君今
已矣後世尤多迷亡身更亡國智者應自知

人生期百年百年能幾何逝者不可追將來苦無多向
來黃小羣玄髮忽以皤古人亦有言流光一擲梭大禹
乃聖人競辰懼閒過亦有運甍老而肯甘婆娑勤苦既
如此令名終不磨吁嗟當世人其誰不蹉跎

混沌既以死征伐不可無聖人奉天命元后授陰符蚩
尤叛臣節涿鹿真囚俘上千軒轅討百靈乃相扶桀紂
逆人理湯武布神謨周興商乃蹶漢起嬴斯殂至仁伐
不仁民後後來蘇諸王互征戰七國多貪夫

萬物有禽獸生意亦自均荒夫苦畋獵但欲膏其脣車
網徧原野百里踐飛塵焚射縱鷹犬暴殄積如薪我觀
車攻詩古意猶可申後來競馳騁無乃勞其民窮搜盡
巢穴入口未必珍湯網去三面諸侯歸至仁

商辛苛聚斂貨財溢臺屋呂政滅諸侯金刀折車軸董
卓據郿塢石崇擅金谷王戎親較籌蕭宏廣營蓄吁嗟
射利徒勞心何僕僕安知銅臭譏詎惜錢愚惡障塵錦
十里買妾珠三斛金錢竟何為而終遭殺戮吾觀顏淵

氏薄田繼飢粥簞瓢有餘樂富貴真碌碌

古人拙已甚今人巧何多古意竟不存紛紛將奈何嗤
彼當世人鬪智互礪磨眼前移造物胷中鑄干戈權門
詎云遠一徑即能過天門誰謂高攀緣手堪摩巧人固
多事有如繭中蛾繭成身自錮拙者頻笑歌

西川恃重險而人誰敢窺征西累毡入蜀人竟難支東
吳倚三江洶湧乃天為樓舡焚纜下吳人亦離披維險
不可恃維賢為可資舟中皆敵國君人當慎之

相君椒百斛領軍鞋一屋為利日孳孳而心苦無足貪
夫誠可憎佩鑰聲相觸匹騎按田園弄籌計魚肉營營
趨市墟貿貿涉川陸剝削盡錙銖慳澁及饘粥恨不馬
重駒恨無牛兩犢恨不青蚨錢日往還相逐家藏萬鎰
金身為九州牧貪夫正如此一咲聊捧腹

假兵車者伯以仁義者王誠偽迥不同而人自聖狂湯
以七十里至德聞四方文王以百里殷人何可當小足
以制大弱可以制強人心一以歸天命自有常試觀伯

者民驩虞氣洋洋齊桓晉文事十世忽以亡何如王者
民皞皞莫能量百世既以遠仁恩詎能忘我嘗閱書史
浩然興慨慷因之識天德王者其永昌

有國有家者知人實為艱知人竟何為乃在用舍間宵
人不可用則穢清班君子不可舍舍則槁空山子瑕
據津要伯玉甘退閒孰知賢不肖治亂誠所關鳳凰覽
德輝一去不肯還豺狼卧當道令我涕潺湲

吾聞君人者奔走天下士進退手所操誰云無所事祥

麟不苟出妖狐足儼利吁嗟進退間而誠闕至治何物
鬼蜮徒貌陋據台位姦邪惑帝聰子儀徒自恚而亦有
人猫月堂運深智李適日銜杯九齡亦趨避朝中有君
子四方君子至君看權倖門羣兒競投刺

仲尼主子瑕衛卿非所惜孟軻媚臧倉齊卿斯煖席俗
論真可鄙聖賢能自擇富貴等浮雲台釣亦陳迹茅茨
乃廣居衡門實安宅簞瓢敵鍾鼎乞求竟何益聲色不
我移刀鋸不我迫居易以俟命玩味庖羲易

吁嗟茲世人居官多老饕孜孜慕名位焉知奔競勞權
門炙手熱冰山與天高綏綏乞昏夜白日矜所遭相君
喜松壽涼州博葡萄酒好官我自為咲罵空朝嘈君看柄
臣第車馬何滔滔幽人方寂寞閉門讀離騷

曾聞黃河水遠自天上來萬流會東海滔滔極蓬萊又
聞瞿塘峽驚濤吼春雷人愁灩澦險奔流若山摧有熊
作舟揖神靈濟顛顛千里在俄頃轉折真奇哉巨艦苦
難運聊橫小水隈丁夫且休息南風殊未回

茫茫天地間而理固有常云胡當世人行險恣猖狂周
行舍不由捷徑恣翱翔法言乃不道羣居肆荒唐啖葛
誑天下飲鴆欺四方指鹿乃言馬問牛翻問羊陰邪莫
能測詭異何可當勿云不吾察天理恒日章吁嗟君子
儒靈臺自開張作事貴昭著寧慚天日光

莊生寄傲者間居著南華浮辭逞虛誕寓言恣喧嘩操
戈擊夫子盜跖翻見誇三王未足論五帝詎為嘉脾脫
小天地言談多險邪猖狂如所言萬物其泥沙吾儒自

有經典謨浩無涯至誠乃君子宜其輔邦家

造化有常理反之則為妖幻人有奇術橐籥如手操禽
獸解歌舞金石乃鳴跳海水呪可竭岳山祈可搖銅盤
出江鯉土盆長靈苗羝羊作人語井錢若榆飄或縮地
遠遊或憑虛入朝蒸沙可為糜噓氣即為颿黃金自融
成白雪凝不消撒豆化赤衣投筇作虹橋紛紛妖異事
我心實不撓吾儒有正術百怪當自消

二氣有清濁化工應使然重濁乃為地輕清則為天人

金匱要略卷二
物各分類參差難比肩君子與小人賦予有偏全鷄豚
與鳳麟凡庸於聖賢清濁乃爾殊天性不可遷中庸貴
能變君子當勉旃濁夫會當清清者當梯仙

晉天皆國土四海皆國人唐虞今在上一視乃同仁酷
吏獨何心咤叱恣威神爪牙劇豺虎曾不恤吾民凍餒
任流殍逸勞誰與均催科急於火鞭撻膚已鱗健吏持
帖來追呼聚比隣鷄豚給饒口拜跪回怒嗔老農二三
子力耕恒苦辛眼中欲流血釜中屢生塵昨日有新條

公家收稅銀踟躕惟四壁局促僅一身健吏詬且辱而
敢訴其貧追隨向官去悲號謀所親有女猶未笄嬌癡
正青春商人買為妾遑恤朱陳姻兒孫既零替里胥猶
日臻虐民恃官長盤飧競鋪陳破屋存數間求錢斧為
薪性命苦見逼恨不沈水濱斯民乃邦本吾徒宜見珍
苛政猛於虎勗哉諸縉紳

為善為君子君子喻於義為惡為小人小人喻於利所
思既不同善惡豈相類義利自兩途理欲所由異譬之

金匱要略卷二
卷二
食飲然而各有所嗜惡臭與馨香伊人自知味吁嗟義
利間慎無迷厥志正軻有法言君子所當識

有陽必有陰有夜必有旦吁嗟正與邪相反如冰炭誰
謂鄭聲淫韶音為所亂誰謂莠草新嘉穀為所爛鳳凰
覽德輝鵠鷖可同觀騶虞履中野檮杌可同絆物類自
區別吾人亦相判荆舒培禍胎羣邪斯漫漶君實起西
府羣賢乃藩翰星辰歸黨籍君子竊悲嘆正邪不兩立
天王貴雄斷

人中有佞人讒言不可當蜜口覆人國簞言亂侯王賢
愚任喉吻君子歸雌黃舐痔詎知恥掇蜂終見傷綏綏
九尾狐媚惑迷四方洋洋八風舞斯文遂無光我嘗覽
前古聖言奚敢忘為邦遠佞人讒夫尤所防

商人元尚質淳風自爾全周人始尚文金玉日雕鐫末
世益滋偽物情多變遷萬物困凌暴鬼工倦鑽研八寶
粧便器珊瑚裁馬鞭黃金飾宮殿珠珍絡鞍韉一劍磨
十載一釵直三千相看競淫巧安知師聖賢象箸不可

諫玉杯誰肯捐一夢了今古豪奢真可憐

仲尼相魯君魯人興謗辭子產聽鄭政鄭人亦毀之赤
心苦不同黃口任瑕疵賢聖且不免吾人莫嗟咨周公
古元聖流言乃相欺向非天動威成王終見疑所以明
哲士脩身日孳孳謗言雖百端而吾自坦夷譬之傷日
月指斥靡不為安知日月光萬古焉能虧

西旅貢神獒召公力阻之遠方獻名馬漢文乃深辭龐
西產鸚鵡廣南生荔枝巨象致南粵獅子走西陲翠禽

盡輸羽猛獸皆脫皮白玉罄山谷黃金空澤陂紛紛爭
獻納擾擾欲何為願言貢賢俊為國扶雍熙

吁嗟眼底人反覆何其多對談如隔山同居或操戈結
交出肝肺回首施網羅變態苦不常陰狡莫能過斯人
何所喻譬之江與河微風一相激遽興千丈波我誠憎
其徒洞見勞撫呵綿綿不可絕紛紛將奈何

我嘗窮古書竊聞謙受益如何夸毗子洋洋多德色有
位莫驕人驕人位斯踣有國莫驕人驕人士斯匿如有

周公才畀驕矜富殖雖云大聖人斯亦無足式賢哉謝夫子程門能自克三年去一矜羣儒推令德

君子莫施智施智近小人愚人祇自愚至愚翻近仁吾觀古人智而不私其身後人乃機巧鬼魅與同倫吁嗟愚下流為謀固難陳安知千慮中一得無可因智囊竟何為東市寃莫伸愚智莫相笑同為千古塵

天地賦人物二氣均所生如何賢不肖而乃殊其名吁嗟賢者流宜公亦宜卿嗤彼不肖徒胡為汗冠纓人君

無所為代天持鑑衡進賢退不肖吾人資主盟前元多
錯繆仕途良未清非才滿廊廟賢人困漁耕我祖奉天
命九州盡豪英黜陟考三載萬年仰大明

淫奔誰氏女少好正青春慾竇一以開而寧顧其身踰
牆期所私鑽穴名比鄰惡少競相逐兄弟不敢嗔馬蹄
松栢下鷄鳴風雨晨綏綏自求耦往來豈辭頻脂膚濕
香汗瓠齒含朱唇精神照秋水秀麗驚鬼神我行偶見
之傷心淚沾巾顏風不可挽憑誰振彛倫

金分四庫全書卷二
展雄古名盜橫行恣凶惡眈眈誰敢撓殺人供咀爵公
然據太行往來悉攘奪牖下終老壽天意竟何若我聞
三代時羣黎遂生樂後來日滋偽綠林滿丘壑窮寇不
須追餓虎不足縛公家薄租稅此輩將自削

天地固不老吾人安可常今者如不樂逝者忽以亡矧
茲隆盛世四海稱大康吾藩靜無事輔臣能贊襄散人
荷天寵貴富守一方臺池與山水登臨足徜徉名花落
又聞好鳥鳴且翔黃嬭助滋味朱絃和宮商我生何慶

幸逸樂殊未央載歌詠天保終身感吾皇

憶初周穆王天下恣觀遊八駿逐風雨萬里無停留
瑤池觴阿母玉帛朝諸侯瓊漿侑天樂白雲起仙謳
山川務窮覽邦家寧復憂徐方忽以興周鼎幾不收
亦有隋煬氏黃金飾龍舟瓊花作奇祟妖氛滿揚州
至樂不可極淫荒竟成休吁嗟後來者能無覽隋周

茫茫天地間無不有鬼神在下乃河嶽在天為星辰
百神固非一所主在一人一人總神器百神歆所禋
一誠

卷二
本昭著二氣自屈伸變化詎能測恍惚不可親所貴乎
君子萬物備其身鬼神自扶佑福履將日臻

吾觀塵海門善惡各有徒謙謙鮮君子悻悻多凶夫善
者所宜福凶夫所宜誅善惡苟無報真宰其含胡夷齊
死溝壑丘軻困窮途顏淵嗟夭折比干乃捐軀盜跖亦
何人橫行主逃逋乳虎飽人肉誰敢摩其鬚公然老牖
下雄風聞八區彼蒼不可問仰面長嗚呼

茫茫大化間生育無停息鱗介與毛虫而各成形色蠢

蠢萬不齊至巧誰能識營營若有知繩繩日滋殖饒夫
亦何心網羅兼彈弋五鼎恣煎烹萬錢供口食焉知愛
物仁忍殺無窮極君子遠庖厨暴殄良可惜

天地有正氣英靈鍾正人大義薄雲漢至誠通鬼神探
穴蹈虎尾沈淵批龍鱗碎首詎知惜引裾寧畏嗔龍逢
既以死比干甘殺身史魚以屍諫直心終見伸諸公不
可作精神乃星辰回首媚竈徒諂骨成埃塵

東海有匹婦誣殺良可傷奈何三年旱赤地千里荒幽

燕有賤臣繫獄將見戕仰天一叩心六月飛清霜物情有
冤抑一念通彼蒼二三持法吏舞文自洋洋陽誅苟
幸追陰禍亦可防于公能治獄子孫乃隆昌

吾聞堯舜世皞皞惟淳風耕鑿罷無為禮義日以隆如
何三代來巧偽競相蒙常道既以墜斯文丁厄窮兄弟
動相閱父子或見攻臣節每中改君恩多不終夫死婦
即嫁安能顧同宮帥亡兵即變憑誰痊元戎金多輒易
交官高互為雄耨鋤且不假財帛寧肯通輕肥驕市里

睨傲欺疲癯乳腥猶未除羣兒強稱翁紛紛輕薄態天
下將無同詩成聊一笑浮雲滿虛空

萬物有真偽人心不可期真偽苟不分君子將蒙欺譬
之金與玉而價固無貲玳瑁與鋤石亂真良可悲公且
困流言恐懼實傾危新莽初下士謙恭何自卑且莽豈
同倫昧者猶自疑假饒身即死真偽誰能知

項籍苦強暴沛公乃寬仁秦鹿競相逐六合生烟塵鳴
咽起雷電叱咤驚鬼神拔山氣蓋世扛鼎力足任豪雄

金刀興隆自有因帝王本仁義猛力何足云
竟難恃凶殘徒殺身陰陵一失道楚歌自沾巾焉知卯

君子慎嫌疑所慎良有因莫交孀婦兒莫友敵國臣孀
兒一與交人謂私其親敵臣一與友人謂通其隣廣會
莫耳語臨民莫眉顰嫂叔不相授男女不共茵臨食休
涕唾迎賓休怒嗔共食莫澤手分財莫言貧吁嗟天下
事一一難具陳避嫌乃君子斯言可書紳

絕代有佳人盈盈擅風流裏頭初入室醜婦爭為仇君

看技術徒忌嫉交怨尤文人亦相輕詆斥多不侔孫龐
初共學藏修亦同謀忌心一以興對面操戈矛安得萬
黃鳥九鼎薦為羞坐令天下人其心同休休

古人一忠厚今人尚浮誇裘馬縱馳騁酒食恣喧嘩文
章逞輕薄荒唐欲名家立言多不根滔滔浩無涯吾思
矯其弊至誠斯可嘉六經不可及何須誦南華

文王曾拘羑仲尼亦圜匡至聖且不免憂患奚可忘元
來古君子遭逢德彌彰脩身以俟命履之若康莊臣子

死忠孝善道乃其常小人恒戚戚翻為知者傷

珠宮麝蘭氣金帳流蘇香美人嬌侍夜老此溫柔鄉不知勤四體焉能法三王日夜未能起更深尚飛觴興行賞花柳醉眠聽笙簧散髮任容與飽食恣徜徉此樂雖莫極外虞亦須防請觀無逸篇念念當不忘

古道日以遠人情日以新逢迎以為悅舉世多諛臣比干蹈虎尾龍逢批龍鱗二公既以死千古難其人諛臣不足道直士宜見珍吁嗟諛與直舉錯在君身

君子自明白小人多險邪毒陰類鴉鵂糾結如虬蛇藍
色醜於鬼公然專正衙出口盡蜂蜜滿腹皆鏤鄒月堂
幽且深恒謀破人家複壁隱且僻惟虞七首加紛紛穢
青史追思可興嗟羣陰不可盡仰嘆白日斜

靜思天下事黑白多見迷自非明知人伊誰無所疑譬
之鴉與鷺同棲占林池黑白自分曉何須苦相窺聖人
明四目燭理洞無遺台衡或昏暗平治其資誰

執虛如執盈執圭如不勝譬之循牆走踔踔惟恐傾聖

金剛經疏
卷二
賢重戒慎厭數寧敢生漏室雖至暗衣冠對神明出門
何所見如接公與卿安居固無為如臨祭與兵嘗觀庸
學傳庶幾學斯成戒慎與慎獨沒齒期遵行

萬物在天地生生無暫息洪纖與高下一一含太極鱗
羽自飛潛肖翹亦形色神功不可名妙用誰能識憶昔
弄九翁幽居悟天則微探極性情至理窮因草我嘗讀
其書茫然無所得學海信汪洋區區慙蠡測靜思興太息
居然竭心力安得起其人為我祛鬱抑

將軍錫沃釜衛尉蠟代薪供饌宰名馬行觴殺美人萬
錢營一筋九鼎薦八珍錦綺照庭戶歌鐘動比鄰豪縱
詎知極奢華孰與倫造物者好還明明察吾身暴殄自
亡滅儉德獨怡神

公孫為布被漢人譏詐廉司馬亦布被舉世稱大賢老
聃嘗有言儉為天下先儉苟不中禮魏風有遺篇大禹
古聖人至德垂簡編亦有齊晏子一裘三十年何曾獨
何心一食費萬錢末俗不可易臨風興喟然

吾人有正氣養之曰浩然充之塞天地失養則靡全反
身而理縮萬人吾往焉不縮乃自餒褐夫亦難前燕丹
不善養謀報何拳拳虎狼一相犯父子竟棄捐亦有廉
將軍爭功怒填填負荊終見屈無乃相如賢恒思戰國
君奮師日相牽往往就囚虜所見何其偏容忍乃君子
庶幾保天年血氣聖所戒吾人當勉旃

吾觀天下理聚散不可期紂聚塵臺財武王乃散之財
聚則民散古語豈吾欺財散則民聚君人所宜思此理

自分曉而人多自迷矧茲聚斂臣為利日孳孳財乃民之命民則邦之基觀風亦何人能無采吾詩

周公復明辟北面還為臣賊莽始居攝久假遂即真獻歎執孺子流涕沾衣巾如何草玄者劇秦以美新赤符赫然起覆宗終殞身伯禽繼魯後祚延八百春流芳與遺臭誰仁誰不仁

萬物有成敗造物自制之天定不可勝人謀空爾為達人自知命順受尚奚辭嗤彼智巧徒而徒用其私項羽

敗烏江沛公成帝基雖云仁與暴實乃天所思起家良
不易興國亦如茲天地尚終壞勿為千載悲

臨池作

鑿破蒼苔地引來寒溜長中有碧荷盤紅蓮淨以芳薰
風扇炎燄赤日回朱光披襟坐釣石高柳陰生涼詩成
復浩歌對酒成踈狂恣我一朝樂焉知人事忙邀賓時
共適臨流飛羽觴灑然萬慮清援琴調宮商地僻絕喧
雜世事渾相忘茲盟幸無爽終歲來徜徉

對月夜飲

銀蟾上東嶺流光含夕清
瑤天湛冰壺萬景俱分明
招邀青桂下開樽坐閒庭
暢然發歌詠一笑聊相傾
嗟嗟塵世中日夕徒營營
佳景足吟賞誰能測幽情
苟使契真意奚用勞平生

祀祖母太妃瑩偶作

皇天渺無際后土廣且深
緬懷大母恩空傷寸草心
雨露既沾濡松楸散清陰
瞻望杳容儀不聞聲歎音
俎豆

式前陳聊復昭寸忱感慨熱中腸涕泗沾衣襟

荅少叅郁先生

歲久音塵絕懷君思愈深蘭章辱遠寄展玩輕南金
錦繡奪人目宮商協雅音三復得遠意庶以慰離心
瞻望不可見雲樹連春陰

秋江訪友畫

秋江雨初歇江波漫磯石鴻鴈雜輕鷗泛泛點寒碧
松風蘿逕深抱琴有遊客相見復相違蒼苔掩行迹

雲景畫

同雲釀飛雪遠近皆瓊瑤
冰壺凍六合萬木皆蕭條
策蹇來幽人抱琴度危橋
何處覓知音前溪路迢迢

早起

枕上春夢驚遠寺疎鐘歇
起坐默無言青燈半明滅
緩步出門行西樓掛殘月

書室偶成兼柬新齋堂兄

粵若今古士浮生誰百年
俛仰宇宙間時復長喟然
衣

金匱要略卷二
食固煖飽歲序恒推遷朽腐同草木胡不師聖賢口吟
六藝文手披百家編勿言道彌堅孜孜在鑽研青歲不
努力白髮空盈顛題詩遺同志及時當勉旃

苦旱

妖魃肆凶頑頻年熾無已隰田皆龜折涇渭黃塵起井
涸草木枯赤地動千里天災固流行感召良有以死者
相枕藉生者艱動履骨肉尚相食焉知有倫理困苦亦
已極調燮望誰弭彼蒼空悠悠胡不諒人只憑誰挽天

瓢一瀉銀河水

獨坐

重門掩綠樹車馬寂無喧
好鳥日相對端居兩忘言
爽籟解炎燠滿庭松竹繁
怡然適吾趣俗慮焉能干

書王氏族譜

大河發崑崙衆派同一源
源深流益遠同歸滄海壖
巨木亦有本本固末自繁
培植歲云久枝葉茂且堅
惟人本乎祖有開應必先
餘慶由積善古聖寧虛言
王門世

忠孝德業先後先稜稜名憲使友愛人稱賢系明分族
屬親疎情愈宣千秋及萬祺瓜瓞常綿綿吁嗟後來者
世世宜勉旃

過田中有感

小人不可用用則妨善良稂莠不可容容則嘉穀傷所
以田家父耘鋤日皇皇四體苦胼胝僅得充饑腸奈何
治家國而不謹其防悠悠感前史披書徒自傷

題四景畫

春風瑤草芳桃花滿村塢
雲林烟霧深丁丁響樵斧
嵐翠濕衣襟空山半疑雨
樂哉蕭蕭散徒麋鹿自成侶
長嘯倚岩崖清風邁千古

西嶺夕陽沈綠樹烟霏滅
漁郎罷釣歸溪女採菱歇
遠水浸落霞瑤天淡微月
詩翁踞石吟悠然清興發
吟罷好風生蕭蕭吹鬢髮

山空木葉落萬籟皆商音
天外度征鴈東籬菊搖金
茅屋數椽小鬱鬱松徑深
遊客遠相過趺坐鳴瑤琴
幽懷

聊共寫對酒且論心

栗烈歲云徂
頑雲迷古樹
積雪遍山川
遠近堆瓊素
野梅得春先
開遍前溪路
獨客好幽寂
杖藜林下步
水寒漁父歸
扁舟橫野渡

首夏即事

景色當清和小院絕塵俗
堦藥飄殘紅池荷展新綠
手調綠綺琴試鼓薰風曲
草色滿虛庭藹然生意足

送顧指揮之襄陽

春水照雙旌迢遞襄陽道王事重賢勞喜君優智調秦
民多阻饑嗷嗷望君飽東風三月時滿目鶯花好襄陽
諸女兒妖艷驚年少努力濟時艱千金休買笑

遊興善寺

興善古名刹僻居城南陬譯經自唐代遺跡於今留綠
樹蔭苔逕閒然清且幽茲晨殘暑退涼風動新秋樂哉
二三子閑暇從我遊行歌足勝覽乘興還登樓仰視玉
宇濶俯瞰清江流南山當目前雨過晴嵐浮無邊好光

金少卿八十一
卷二
景收拾歸吟眸僕夫促歸轅清興良未休回瞻北斗城
月光過林丘

春園行樂

青陽布生意萬物皆光輝風日適晴煖花柳爭芳菲方
塘水初滿喬林綠正肥黃鶯出幽谷嚶嚶鳴復飛銀韉
鞚驂騶賞心誰肯遠盤桓詎知夕明月扶醉歸

秋夜露坐

大火流天末金井飛梧桐草枯露華濕蓮衰池影空招

搖向參宿鳴蛩泣西風中夜耿不寐孤坐明月中炎涼
逐時改感慨徒忡忡

步虛詞贈印鍊師

逍遙一仙侶靈胎寶元陽天風振環珮憑虛朝帝鄉駕
以蒼精虬酌以青霞漿朝遊華山顛暮飛東海洋去來
無定踪玄鶴同翺翔

題魏顥結草圖

死不從亂命不從乃尊親婢父陰有報結草能勝秦吁

金匱要略卷二
嗟乎康公而心胡不仁三良既云殉國事亦以湮細讀
黃鳥詩令人淚沾巾

新齋兄壽詩

仙人跨白鶴元陽結靈胎天風振環珮駕言遊蓬萊食
以青精飯酌以流霞盃蒼梧與北海倏忽時往回回首
笑而語壽域從今開春秋百千禩今日乃其媒

成化乙巳關中苦旱

東風轉歲律對景不成觀微雨未沾足田疇復枯乾連

村絕烟火比屋皆傷殘民生與鬼隣疫癘仍相干匡時
愧無策撫膺空長歎我欲叩天閭恨乏凌風翰

挽鄭長史父母

蕭田古文獻先後多名人而翁鍾瑞秀瓊姿邁風塵富
而更好禮樂善能周貧優遊泉石間渾然葛天民惟劉
乃厥配四德備一身勤儉資內治甘旨同養親歲時助
裡祀誠敬采蘋蘋芳年三袞餘魚水情兩真瑤琴忽中
斷無復鳴陽春鼓盆發長歎聞者為悲辛諸郎復秀發

咸懷席上珍白眉乃子初觀先充國賓歷官魯藩相霜
風殞靈椿泣血既三祀衣冠謁楓宸董賈素騰譽復官
相吾秦子賢豈無自嚴慈家教勤貽恩五花誥指日來
八閩草木翳雙塚蔚然光寵新豐碑表潛德萬古寧沈
淪

偶書

城西地卑濕一掘能及泉居止失將護寒氣相寅緣冬
深偶疾作春盡猶未痊只尺艱動履坐久空兀然吁嗟

孝道遠於身誠有愆父母全生之子當慎保全兢兢復戰戰于心愧聖賢

蜀府德陽王師古堂代保安王肅齋作

聖聖既以遠古道何邈綿遺訓弗俱亡明明垂簡編萬理具成憲後王宜不愆呂政弗師古詩書燼餘烟傳說古良弼納誨心拳拳至言乃龜鑑宜哉千古傳吾人思受益無如師聖賢君子貴自勉彼昏胡不然河間興禮樂淮南泥神仙擇術誠在人存亡詎由天吾宗有賢王

分藩世蟬聯日用動師古肯為流俗牽蒼黃免馳逐貨
色咸棄捐齋居靜無事妙契羲皇前嗟余忝宗人見賢
思與肩晝讀古人書夜夢與周旋吾宗契吾志夙夕恒
乾乾聲光騰玉牒流芳萬斯年皇祖有彛訓典則相後
先憲章在諸孫百世同勉旃

歲晚

玄天忽冬暮歲功云已成羣陰結幽谷凍鳥棲復驚四
序迭更代萬彙紛枯榮物理孔昭著君子宜安貞

古意

莫栽蓮在沼莫種柳臨岐
蓮實中多苦蓮根中多絲
楊柳垂長條猶解贈別離

秋夜

月光透綺疏露華濕金井
疎枝驚鵲墮腐草流螢冷
入秋情轉多况復寒宵永
默坐當前墀素心徒耿耿

寫懷

野情耽逸趣僻地結幽居
其中何所有左右祇圖書
飽

金剛經疏
卷二
食竟無事陳編聊卷舒衆鳥相和鳴園林宿雨餘好風
東南來飄飄吹我裾願言竟茲樂舍此復何如

有懷凌卧岩

月色滿虛庭皎然如秉燭鳴蟬咽無聲巢鳥驚還宿忽
憶卧岩人悵然亂心曲烟樹千萬重苔溪如在目有書
未得通有地何由縮入口匪刀圭春風面如玉悠然養
谷神遐齡端可卜

寓興

澆風亂淳俗靡靡入人深
猗蘭誰所譜為我調素琴
琴中有天趣茫茫無賞音
吁嗟廣陵散終古其沈沈

山水圖

我自遊山歸見山心輒喜
何人寫此圖彷彿舊遊是
漠嶺上雲泛泛溪中水啼
猿扳樹顛馴鹿依山趾諦
彼方瞳翁宛然赤松子

翫松石

鬱鬱澗畔松鑿鑿岩下石
移來置庭階蒼然古顏色
我

金匱要略卷二
生幸多暇廢卷對終日苔蘚點爛斑霜風動蕭瑟塵埃
隔人境庶以慰幽寂

安分

菽粟貴充腹馬用羅珍羞布帛既適體何須衣輕裘
袍與簞食哲人竟亡憂况復過飽暖安居日優游內省
自不疾此外復何求

軒中即事

小小結幽軒我來任棲宿富貴輕浮雲身安心自足高

槐夾行道繁陰涼夏屋洞然八牕開青山常在目細和
淵明詩詩成還自讀夜來風雨聲曉起庭莎綠

滄浪圖

水清斯濯纓水濁斯濯足逍遙大塊間何榮復何辱日
暮罷釣歸孤舟水雲宿覺來吹洞簫一和滄浪曲

紀夢

深宮傳蠟燭侍兒治我床心虛靜無事安眠納微涼俄
然夢一人黑色頤而長衣冠存古制玉佩鳴鏘鏘粲然

顧予笑眉目如有光自言忝西伯陵丘在咸陽我聞驚
且拜無乃周文王樞超將復請雲車忽飛揚夢回長太
息沈沈夜未央夙興具圭冕寶鼎燃瓣香孝慈與仁敬
明明垂典章文王真我師千載詎敢忘

雪夜

積雪動連旬歲華復相迫中夜坐彷徨牕明如月白竹
爐火正紅玉盃浮桐葉曉起看青山同雲天一色

雪意

上天布同雲寒日墮不收老木歸栖鴉徹夜風蕭颭屋
茅盡以捲掀簾無停休昏昏徧千里落落連九州誰將
萬端葉欲寒山中溝寒蟲厭原野枯桑叫林丘冰下有
河魚忍凍誰肯求萬間思廣廈被覆焉能周獨有力耕
者相看起歌謳今年麥信好明歲真無憂矧茲百穀中
所急先來牟去冬苦愆陽詵詵出螟蟲一雪今乃爾來
牟行有秋忝予守西土而豈為食謀端居念農事寧敢
忘綢繆吾藩盛鄒枚森然擁戈矛語氣各勅猛星堂能

少留

進履圖

張良昔未遇誓欲報韓仇進履圮橋下虛心將有謀素
書一授受於焉相炎劉感秦暨蹶項默運帷幄籌王業
既大定毅然乞封留列侯豈不貴而托赤松遊度彼良
之心報韓願已酬區區黃石公不知伊與周素書視典
謨治道孰為優

問禮圖

聃為柱下史周禮在於斯聖人不自聖從聃一問之學
琴暨問官所學何常師

枯木竹石畫

老木勢槎牙相依獨幽篠空山歲月深苦歷風霜飽幽
篠欲成林老木自合抱托根既得所願言永相保

讀史外紀

六首

太極本無極乃在天地先兩儀生四象庶類斯繁焉混
茫一以闢渾敦御其間明達二五粵三才方肇宣

卷二
粵惟太古氏一姓十三人澹泊誠無為俗化因之淳于
支名歲在天靈實斯君繼之王者何爰以定三辰壽年
能滿德一萬八千春

居方受元命繼地治以昌山川分九區人各居一方惟
臣不虛貴惟主不虛王君臣政教興男女斯有常淳風
正沕穆更號曰九皇

於惟大荒初人物無區別搏生以咀華茹毛而飲血夏
暑結巢居冬寒穿窟穴傳教土為臺紀事繩為結厥後

書契興事事勞辭說

太昊象日月帝德能合天耦奇自有數河洛呈其玄婚
姒分姓氏斷桐絲為絃神明德可通萬類情可宣道統
信斯啟聖聖乃相傳

伊耆甄五穀有熊占斗綱人文一以著堯舜垂衣裳夏
忠商尚質周文郁有光繩繩隆治道國祚綿且昌春秋
互征伐七雄爭暴強嬴秦竊神器再傳二世亡仁義棄
不施吁嗟良可傷

金剛經疏
卷二
子貢訪原憲畫為康文淵都閭題

世道不再古澆漓鑿其淳交朋友多以面疇能踐其倫恒
人無足讓賢者宜自親云胡端木賜坐觀原憲貧而惟
營貨殖千金貿奇珍焉知固窮士衣有百結鶉吁嗟端
木心見道亦已真同儕苟云乏分財非所嗔憲乎實自
守躬耕甘苦辛不義富且貴視之若飄塵仁義自充足
道德堪潤身相尋談一貫凍餒安足陳二賢去已遠友
道猶如新披圖三太息聊示今之人

壽李封君繡衣

沁源有遺老安居踰稀年鼻祖老聃氏遙遙乃曾玄髻
年入頻宮經禮窮三千蟾宮高折桂領教司陶甄黌堂
擁師席白晝那肯眠鄠邑亦多士教鐸日以宣慈溪還
小試吏隱聊周旋一朝揮印綬去去何飄然庭闈足甘
旨節孝人共傳鯉庭萊衣趨蘭桂紛相聯蜚英有侍御
超登多士先中臺應身繡龍勅推恩全竭來振風紀將
命歷秦川情雲飛太行東望心旌懸時維小春月寔逢

初度天王事念靡監私歸寧敢專沁源近西土夙昔聞
其賢所存在忠孝食報宜綿綿方今天子聖壽域開八
埏我詩賀而翁庸續南山篇

春日有懷

衆鳥集芳林喧啾競陽和感時坐達旦長嘯悲且歌念
彼金石交悠悠隔關河重晤良獨難相思將奈何歲月
忽以晚世故何其多嗟嗟黃小羣紺髮俄成皤倚床發
浩嘆萬事皆蹉跎達人貴知命對酒自吟哦

春日久陰孤坐無聊寓此寓懷

青陽鬱未舒
開軒坐獨冷
陰風中夜吹
遲日黯晴影
紅芳半消歇
青苔生露井
雲幕山光微
林邃鳥聲靜
兀坐寂無聊
居然厭塵境
諒惟高世人
焉能惜光景
道德日已負
素懷徒耿耿

忠孝卷為唐府題

大本忠與孝
大倫君與親
君親本一致
忠孝非兩人
於惟先哲王
見道亦以真
大書忠孝字
訓飭何諄諄
遼鶴

去不返手澤常如新囊封遺一使千里來吾秦再玩復
再拜披讀驚心神省躬誠不暇佩服當書紳願言保終
始樹德崇彝倫

登山詩

晨興驅吾車駕言徂南山豈徒汗漫遊直欲陟其巔冷
冷起長嘯飄然振羽翰鳥道數千仞宛若登天難回轅
憇林麓臨流濯纓冠急湍湧長坂閒雲出層巒叢蘭散
清馥幽禽時聞關隱淪慕肥遁羈絆迫塵寰斜陽催我

歸回首空長嘆

閏三月一日與永興王宜川王賞花

花時開宴席茲晨屬良辰鴈行列長幼誼重惟天倫斗
酒起相壽于焉見情真歡樂豈徒爾一一難具陳新聲
奮逸響蘊結良以伸鴻寶啟神祕誰貽千禩身去年七
兄弟今歲唯三人茫茫大塊間寧擇疎與親蟬蛸競朝
夕蟋蟀悲秋春何不娛心意鬱鬱徒苦辛

予性不嗜酒偶讀山谷集徐仲車為董元達置酒


四韻有惟此酒中趣難為醒者論之句因足成之

惟此酒中趣難為醒者論孟嘉乃先得當筵對桓溫我
生不嗜酒於此復何言衛侯有抑戒耿耿明朝瞰古人
重百拜多酌矧敢吞云何後世人甘為麴蘖昏賢哉天
隨予恒自我思存長揖辭醉客無勞登我門

五平五仄韻

詠雪

尖風中宵來勢力兩具足寒威侵人肌素色絢我目高
觀銀河迷遠望翠嶺沒春彫千梅花夜照萬蠟燭喬松
低疎枝老栢露瘦骨庭空堆飛鹽院冷折大竹茶空新
條嚴酒罄宿債促吟哦娛吾心富貴匪我欲長愁難消
除短恨易屏逐來牟盈三川集霰徧四瀆端居叨藩維
稔歲念夏屋茲逢羣公賢飽我百姓腹吁嗟天潢分羽
葆坐衮服焉能酬皇仁北望但頌祝如岡還如陵萬禩
納景福



小鳴稿卷二